

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَبُو سَيِّدِي تَبَكُّو لَو كِي مَارَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



PROGRAM JAMUAN HARI RAYA APB 2025

Farhana Idris, Abd Rahman Jamaan, Syazali Effendi A. Wahab

Program Jamuan Hari Raya merupakan acara tahunan yang dianjurkan oleh Akademi Pengajian Bahasa (APB). Program ini telah diadakan pada 17 April 2025 dengan kelainan tersendiri apabila penganjuran dijayakan oleh Unit Bahasa Arab APB. Penganjuran kali ini menyaksikan kerjasama erat daripada semua pensyarah Bahasa Arab yang berganding tenaga dalam memastikan kelancaran program, dibantu oleh rakan-rakan pensyarah Bahasa Inggeris dan pensyarah PTFT. Kesepaduan tenaga ini menjadi faktor utama kejayaan program yang berlangsung dalam suasana sederhana namun tetap meriah dan penuh dengan semangat kebersamaan.

Tujuan utama penganjuran jamuan ini adalah untuk mengeratkan silaturrahim sesama warga APB. Program juga adalah simbolik untuk meraikan kemenangan selepas Ramadan, menghidupkan suasana bantu-membantu, dan memupuk semangat berkongsi rezeki. Sepanjang program, acara dikendalikan dengan baik oleh pengerusi majlis, Puan Farhana Idris, yang memastikan agar perjalanan program teratur dan lancar.

Program turut diserikan dengan pengisian tazkirah yang disampaikan oleh Ustaz Muhammad Rozman Abdullah bertajuk "*Doa Salaf Al-Soleh*". Tazkirah ini menekankan kepentingan berdoa dalam setiap urusan kehidupan, termasuk perkara kecil yang sering dianggap remeh. Ini kerana, doa merupakan senjata umat Islam dan ibadah yang membawa keberkatan. Pesanan tersebut turut diperkukuhkan melalui ucapan Timbalan Rektor HEA, YM Prof. Madya Dr. Raja Adzrin Raja Ahmad, yang hadir sebagai tetamu jemputan.

Ketua Pusat Pengajian APB, Dr Noridah Sain, Penyelaras Unit Bahasa Arab, Ustaz Syazali Effendi A. Wahab, Penyelaras Unit Bahasa Mandarin dan semua pensyarah APB termasuk pensyarah PTFT turut sama hadir.

Hidangan utama yang disajikan ialah nasi beriyani ayam dan roti jala. Juadah kari kambing hasil air tangan Ustaz Muhammad Rozman yang ditunggu saban tahun turut disajikan, selain pelbagai juadah sampingan seperti kuih muih, buah-buahan, pencuci mulut dan minuman. Di penghujung acara, montaj persembahan telah ditayangkan, memaparkan gambar-gambar suasana Hari Raya keluarga warga APB yang penuh warna-warni serta menceriakan.

Program diakhiri dengan sesi bergambar beramai-ramai bersama tetamu jemputan dan semua pensyarah APB sebagai tanda kenangan. Secara keseluruhan, Program Jamuan Hari Raya APB 2025 telah berjaya mencapai objektifnya iaitu mengukuhkan hubungan silaturahim, menzahirkan rasa syukur atas nikmat Ramadan dan Syawal, serta memperkukuhkan semangat kebersamaan dalam kalangan warga APB.

